

0.0.1 sutavāparibbājakasuttaṃ

1. evaṃ me sutam, ekaṃ samayaṃ bhagavā rājagahe viharati gijjhakūṭe pabbate. atha kho sutavā paribbājako yena bhagavā tenupasaṅkami, upasaṅkamitvā bhagavatā saddhiṃ sammodi, sammodanīyaṃ kathaṃ sārāṇīyaṃ vītisāretvā ekamantaṃ nisīdi. ekamantaṃ nisinno kho sutavā paribbājako bhagavantam etada-voca:

2. ekamidaṃ bhante, samayaṃ bhagavā idheva rājagahe viharati giribbaje, tatra me bhante, bhagavato sammukhā paṭiggahītaṃ "yo so sutavā¹ bhikkhu ara-
ham khīṇāsavo vusitavā katakaraṇīyo ohitabhāro anup-
pattasadattho parikkhīṇabhavaśaṅṅojano sammadañña
vimutto, abhabbo so pañcaṭṭhānāni ajjhācaritum. abhabbo
khīṇāsavo bhikkhu sañcicca pāṇaṃ jīvitā voropetum,
abhabbo khīṇāsavo bhikkhu adinnaṃ theyyasaṅkhā-
taṃ ādātum, abhabbo khīṇāsavo bhikkhu methunaṃ
dhammaṃ paṭisevitum, abhabbo khīṇāsavo bhikkhu
sampajānamusā bhāsītum, abhabbo khīṇāsavo bhik-
khu sannidhikāraṃ kāme paribhuñjitum, seyyathāpi
pubbe agārikabhūto'ti. " kacci metaṃ bhante, bhaga-
vato sussutaṃ sugghahītaṃ sumanasikataṃ sūpadhā-
ritanti.

¹sutam syā.

3. taggha tetam² sutavā, sussutam suggahītam sumanasikatam supadhāritam. pubbevāham sutavā, etarahi ca evam vadāmi. "yo so bhikkhu araham khīṇāsavo vusitavā katakaraṇīyo ohitabhāro anuppattasadattho parikkhīṇabhavasaññojano sammadaññāvimutto. abhabbo so navaṭhānāni ajjhācaritum: abhabbo khīṇāsavo bhikkhu sañcicca paṇam jīvitā voropetum, abhabbo khīṇāsavo bhikkhu adinnam theyyasaṅkhātam ādātum, abhabbo khīṇāsavo bhikkhu methunam dhammam paṭisevitum, abhabbo khīṇāsavo bhikkhu sampajānamusā bhāsītum, abhabbo khīṇāsavo bhikkhu sannidhikārake kāme paribhuñjitum, seyyathāpi pubbe agārikabhūto.

4. abhabbo khīṇāsavo bhikkhu buddham paccakkhātum³ abhabbo khīṇāsavo bhikkhu dhammam paccakkhātum⁴ abhabbo khīṇāsavo bhikkhu saṅgham paccakkhātum⁵ abhabbo khīṇāsavo bhikkhu sikkham paccakkhātum⁶ pubbevāham sutavā, etarahi ca evam vadāmi: yo so bhikkhu araham vusitavā katakaraṇīyo ohitabhāro anuppattasadattho parikkhīṇabhavasaññojano sammadaññā vimutto. abhabbo so imāni navaṭhānāni ajjhācaritunti.

²te etam machasam.

bjt page 398

³paccācikkhitum, sīmu chandagatiṃ ganatum machasam.

⁴paccāvikkhitum, sīmu dosāgatiṃ ganatum machasam.

⁵paccāvikkhitum, sīmu mohāgatiṃ ganatum machasam.

⁶paccāvikkhitum, sīmu bhayāgatiṃ ganatum machasam.

pts page 371